



Concello de Ribeira de Piquín

ANUNCIO NO PORTAL WEB DO CONCELLO

Elaborado o texto do proxecto de Ordenanza fiscal reguladora da taxa do uso común especial do dominio público local polas actividades extractivas de madeira nos montes e espazos forestais e polas canteiras do Concello de Ribeira de Piquín, publícase no Portal Web este Concello [<https://ribeiradepiquin.sedelectronica.gal>] co obxecto de dar audiencia aos cidadáns afectados e solicitar cantas achegas adicionais poidan facerse por outras persoas ou entidades durante o prazo de TRINTA (30) DÍAS a contar desde o día seguinte ao de publicación do presente anuncio na web municipal, mediante a súa presentación en calquera dos lugares indicados no artigo 16 da Lei 39/2015, de 1 de outubro, do Procedemento Administrativo Común das Administracións Públicas.

“ORDENANZA FISCAL REGULADORA DA TAXA DO USO COMÚN ESPECIAL DO DOMINIO PÚBLICO LOCAL POLAS ACTIVIDADES EXTRACTIVAS DE MADEIRA NOS MONTES E ESPAZOS FORESTAIS E POLAS CANTEIRAS

ARTIGO 1. FUNDAMENTO E OBXECTO

Esta Entidade Local, en uso das facultades contidas nos artigos 133.2 e 142 da Constitución Española, de acordo co previsto no artigo 106 da Lei 7/1985, de 2 de abril, Reguladora das Bases de Réxime Local, e nos artigos 9, 11 e 15 a 27 do Texto Refundido da Lei Reguladora das Facendas Locais aprobado polo Real Decreto Lexislativo 2/2004, de 5 de marzo; establece a taxa por aproveitamento especial de camiños de titularidade municipal, polas actividades extractivas de madeira nos montes e espazos forestais e polas canteiras, que se rexerá por medio de ordenanza Fiscal, cuxas normas atenden ao previsto no artigo 57 do citado Real Decreto Lexislativo 2/2004.

O obxecto será establecer o réxime xurídico de todas aquelas accións encamiñadas a previr, minimizar, corruxir ou, no seu caso, impedir os efectos que a utilización dos camiños de titularidade municipal, con motivo das operacións de depósito, arrastre e transporte de madeira provinte das cortas de madeira nos montes do municipio.

ARTIGO 2. FEITO IMPOÑIBLE

Constitúe o feito imponible da taxa o aproveitamento especial do dominio público local, con motivo das operacións de depósito, arrastre e transporte de madeira provinte da explotación forestal, así como o depósito e transporte dos produtos extraídos da explotación de canteiras.

ARTIGO 3. SUXEITOS PASIVOS

Son suxeitos pasivos da taxa, en concepto de contribuíntes, as persoas físicas e xurídicas así como as entidades a que se refire o artigo 35.4 da Lei 58/2003, de 17 de decembro, Xeral Tributaria, solicitantes das correspondentes e preceptivas autorizacións para a concesión do aproveitamento especial do dominio público local, con motivo das operacións de depósito, arrastre e transporte de madeira provinte da explotación forestal, así como o depósito e transporte dos produtos extraídos da explotación de canteiras.





Concello de Ribeira de Piquín

ARTIGO 4. RESPONSABLES

A empresa madeireira/mineira será responsable directamente de todos os danos e prexuízos a persoas e bens que se produzan ou ocasionen con motivo do depósito e saca, depósito e transporte da madeira, ou transporte de áridos e pizarra, debendo reparar o dano causado.

A devandita obriga será esixible non só polos actos ou omisións propios, senón tamén polos cometidos por calquera persoa que, sen ser empregada ou traballadora da empresa madeireira/mineira, interveña nas operacións de depósito e saca de madeira/áridos ou pizarra por conta, consentimento ou aquiescencia da mesma e, en xeral, polos cometidos por aquelas persoas de quen deba responder.

As persoas propietarias das parcelas de monte nas que se efectúen actividades de extracción de madeira serán responsables, principalmente cando a corta se faga a feito en zonas con pendentes elevadas, da adopción das medidas precisas para previr tanto os riscos erosivos sobre o terreo como as posibles consecuencias da erosión sobre os bens públicos.

Salvo precepto legal expreso en contrario, a responsabilidade será sempre subsidiaria.

Con relación á responsabilidade solidaria e subsidiaria da débeda tributaria, estarase ao establecido nos artigos 42 e 43, respectivamente, da Lei 58/2003, de 17 de decembro, Xeral Tributaria.

ARTIGO 5. COTA TRIBUTARIA

A cota tributaria determinarase pola aplicación da seguinte tarifa:

- 0,60 €/tonelada (t) de madeira.
- Canteiras (Cuota anual):
 - 3,6 €/metro lineal de aglomerado
 - 2,10 €/metro lineal de asfaltado
 - 1,20 €/metro lineal de zahorra

O Concello, a través do Servizo oportuno, ten a facultade de inspeccionar e comprobar todo o relacionado co aproveitamento especial dos camiños de titularidade municipal dos que se fai cargo nesta Ordenanza.

ARTIGO 6. EXENCIÓNS

Quedan exentos do pago desta taxa:

- Os vehículos de Institucións e Entes Públicos no exercicio da súa función, tales como policía, bombeiros, gardas, etc...
- En circunstancias especiais, poderanse considerar outras situacións distintas ás citadas no parágrafo anterior, como poden ser: obras públicas, actividades de interese público ou xeral, promovidas polas Administracións Públicas ou polos seus entes instrumentais, casos de emerxencia, accidentes ou catástrofes, etc...
- Vehículos ou máquinas utilizadas para as seguintes actividades:





Concello de Ribeira de Piquín

- *Podas en plantacións forestais*
- *Rozas e limpeza de fincas*
- *Clareo de rebrotes de cepas de menos de tres anos*
- *Cortas puntuais de exemplares de árbores ornamentais*
- *Cortas para usos domésticos*
- *Actividades agrícolas e gandeiras*

ARTIGO 7. DEVEÑO

A taxa devindicarase segundo a natureza do seu feito impositivo, cando se conceda a correspondente licenza ou autorización para a realización das actividades que constitúan o feito impositivo da taxa, unha vez tramitado o correspondente expediente iniciado coa presentación da solicitude polo suxeito pasivo.

ARTIGO 8. NORMAS DE XESTIÓN

Os suxeitos pasivos que se beneficien polo aproveitamento especial regulado nesta taxa virán obrigados a abonar as cotas correspondentes conforme o seguinte procedemento:

8.1.- Os transportistas e contratistas que precisen a utilización de camiños de titularidade municipal deberán solicitar a oportuna licenza municipal, no modelo establecido no anexo I da presente ordenanza, facendo constar os seguintes extremos:

- *Datos identificativos empresa madeireira/mineira (denominación, número do NIF, enderezo e teléfono, nome e apelidos da persoa encargada ou responsable da empresa).*
- *Especie de madeira obxecto da corta.*
- *Volume de madeira que se prevé extraer.*
- *Nome das fincas ou montes afectados, lugar ou sitio e parroquia, así como identificación catastral da finca ou monte afectado, indicando polígono e parcela/s.*
- *Datos previstas de inicio e remate dos traballos*
- *Lugar onde se depositará a madeira á espera da súa carga e vías a empregar.*
- *Identificación da vía municipal a utilizar: Nome e plano coa traza do mesmo.*
- *Copia compulsada da solicitude ou do permiso, autorización ou licenza de corta expedido polo órgano competente da Comunidade Autónoma.*
- *No suposto de canteiras, copia compulsada das labores anuais autorizadas na canteira de que se trate.*
- *Fotocopia compulsada do seguro de responsabilidade civil ou calquera outro similar da empresa madeireira/mineira que cubra os eventuais danos e prexuízos que poidan causarse con ocasión da extracción de madeira/áridos, así como do último recibo pagado, acreditativo de que o seguro está vixente no momento de realizarse as devanditas operacións.*
- *Declaración responsable sobre o estado dos camiños ou vías públicas de titularidade municipal polas que se vai circular para a realización das operacións de depósito, arrastre e transporte de madeira provinte da*





Concello de Ribeira de Piquín

explotación forestal, así como de depósito e transporte dos produtos extraídos da explotación de canteiras, no modelo establecido no anexo II da presente ordenanza. No caso de que na declaración responsable se manifeste o mal estado dos camiños ou vías municipais, aportaranse fotografías dos mesmos que o acrediten.

8.2.- Sen prexuízo do cumprimento do establecido na lexislación urbanística, de Medio Ambiente Forestal, do Código de circulación, e demais lexislación, normas e/ou ordenanzas que poidan ser de aplicación, o posuidor dunha licenza para a actividade descrita, virá obrigado á reparación inmediata dos deterioros producidos nos viais, ou nas infraestruturas anexas, así como a retirada total dos restos procedentes das operacións de carga e almacenamento.

8.3.- Unha vez recibida a solicitude, e para o caso de que a declaración responsable manifeste o mal estado dos camiños, con carácter previo á utilización dos mesmos, os servizos técnicos municipais procederán a realizar un informe sobre o estado das vías a utilizar.

8.4.- A utilización dos camiños de titularidade municipal, para a saca e transporte de madeiras e outros materiais de natureza análoga, non impedirá a utilización adecuada e sen dificultades destes polos restantes usuarios do mesmo, estando obrigados os responsables das operacións de saca de madeira a reparar os danos causados por estas operacións para o seu adecuado uso polos restantes usuarios.

8.5.- Terminada a utilización camiños de titularidade municipal, para a saca e transporte de madeiras e outros materiais de natureza análoga, o concesionario da licenza, comunicará ao Concello a finalización dos traballos, no modelo establecido como anexo III. Por parte dos Servizos Técnicos municipais emitirase informe sobre os danos que, no seu caso, se produciron nos camiños afectados polas operacións de saca e transporte de madeiras e outros materiais de natureza análoga. O dito informe técnico emitirase soamente no caso de que se producisen danos nos camiños públicos, e que foran apreciados por persoal municipal ao que se lle encomende tal función.

Á vista do informe técnico, pñeranse en coñecemento do titular da licenza as reparacións que, no seu caso, deberán efectuarse no prazo máximo de un (1) mes. Transcorrido o citado prazo sen que efectuasen as reparacións requiridas, o Concello procederá á súa execución subsidiaria á conta do obrigado, repercutindo contra este o importe da reparación dos danos. Se os danos causados fosen irreparables, o Concello será indemnizado nunha contía igual ao valor dos bens destruídos ou o importe da deterioración ocasionada. No caso de que sexan varios os que utilicen simultaneamente os mesmos camiños municipais, e existan danos, procederase a unha distribución proporcional das responsabilidades entre os diversos usuarios.

8.6.- O aproveitamento especial de camiños de titularidade municipal, para a saca e transporte de madeira e outros materiais de natureza análoga dentro do Concello de Ribeira de Piquín, sen a preceptiva licenza municipal será obxecto dun expediente sancionador.





Concello de Ribeira de Piquín

8.7.- A validez da licenza quedará condicionada ao pago da taxa.

ARTIGO 9. INFRACCIÓNS E SANCIÓN S

En todo o relativo á cualificación de infracción s tributarias, así como ás sanción s que ás mesmas correspondan en cada caso, estarase ao disposto nos artigos 181 e seguintes da Lei 58/2003, de 17 de decembro, Xeral Tributaria, así como as súas disposición s de desenvolvemento, segundo o disposto no artigo 11 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, e concretamente, polo establecido na Ordenanza reguladora do uso común especial do dominio público local polas actividades extractivas de madeira nos montes e espazos forestais e polas canteiras (artigos 11 e 12).

Á súa vez, poderán esixirse por procedemento administrativo de prema as débedas por este servizo, de conformidade co artigo 46.3 do Texto Refundido da Lei Reguladora das Facendas Locais, aprobado por Real Decreto Legislativo 2/2004, de 5 de marzo e a normativa de recadación que sexa de aplicación.

ARTIGO 10. LEXISLACIÓN APLICABLE

En todo o non previsto na presente Ordenanza estarase ao disposto no texto refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, a Lei 7/1985, de 2 de abril, Reguladora das Bases de Réxime Local, a Lei 58/2003, de 17 de decembro, Xeral Tributaria, a Lei 8/1989, de 13 de abril, de Taxas e Prezos Públicos, na Lei 39/2015, de 1 de outubro, do Procedemento Administrativo Común das Administración s Públicas, na Lei 40/2015, de 1 de outubro, de Réxime Xurídico do Sector Público e demais disposición s complementarias actualmente en vigor ou que se diten en adiante.

DISPOSICIÓN FINAL ÚNICA

A presente Ordenanza fiscal, aprobada polo Pleno deste Concello en sesión celebrada o ____ de _____ de 20__, entrará en vigor no momento da súa publicación íntegra no Boletín Oficial da Provincia de Lugo, e será de aplicación a partir de _____, permanecendo en vigor ata que se acorde a súa modificación ou a súa derogación expresa.





Concello de Ribeira de Piquín

ANEXO I

SOLICITUDE DE LICENZA PARA OPERACIÓNS DE SACA DE MADEIRA/MINEIRA

Datos da empresa madeireira/mineira
Denominación:
N.I.F./C.I.F.:
Enderezo:
Teléfono:
Representante/ Responsable da empresa:
N.I.F. do representante/responsable:

Datos da propiedade forestal/ concesionario da canteira		
Especie de madeira obxecto da corta:		
Volume total da madeira (t) / áridos (t) a extraer:		
Nome das fincas ou montes afectados, lugar e parroquia:		
Indentificacións catastrais	Polígono	Parcela





Concello de Ribeira de Piquín

	-	-
	-	-
	-	-
	-	-
	-	-
	-	-
	-	-
	-	-
Datos do aproveitamento forestal/áridos		
<i>Datas previstas de inicio e remate:</i>		
<i>Lugar onde se depositará a madeira/áridos:</i>		
<i>Viaro municipal a empregar para o transporte da madeira cortada/áridos:</i>		





Concello de Ribeira de Piquín

Documentación:

- CIF da empresa solicitante e DNI do representante.*
- Identificación do camiño ou vía municipal a utilizar: Nome e plano coa traza do mesmo.*
- Copia compulsada da solicitude ou do permiso, autorización ou licenza de corta expedido polo órgano competente da Comunidade Autónoma.*
- No suposto de canteiras, copia compulsada das labores anuais autorizadas na canteira de que se trate.*
- Fotocopia compulsada do seguro de responsabilidade civil ou calquera outro similar da empresa madeireira/mineira que cubra os eventuais danos e prexuízos que poidan causarse con ocasión da extracción de madeira/áridos, así como do último recibo pagado, acreditativo de que o seguro está vixente no momento de realizarse as devanditas operacións.*
- Declaración responsable sobre o estado dos camiños ou vías públicas de titularidade municipal polas que se vai circular para a realización das operacións de extracción de madeira/áridos (anexo II).*
- Fotografías do estado dos camiños/vías municipais, de ser o caso.*

Ribeira de Piquín, a _____ de _____ de _____.

Asdo.: _____.

SR. ALCALDE-PRESIDENTE DO CONCELLO DE RIBEIRA DE PIQUÍN.





Concello de Ribeira de Piquín

ANEXO II

DECLARACIÓN RESPONSABLE DO ESTADO DOS CAMIÑOS ANTES DAS OPERACIÓNS DE SACA DE MADEIRA/MINEIRA

Datos da empresa madeireira/mineira
Denominación:
N.I.F./C.I.F.:
Enderezo:
Teléfono:
Representante/ Responsable da empresa:
N.I.F. do representante/responsable:

DECLARA RESPONSABLEMENTE:

Que os camiños ou vías públicas municipais que se van empregar para o transporte da madeira cortada/áridos, e que se sinalan na solicitude da licenza (anexo I) están no seguinte estado de conservación:

- MAL ESTADO DE CONSERVACIÓN
- BO ESTADO DE CONSERVACIÓN

Ribeira de Piquín, a _____ de _____ de _____.

Asdo.: _____.

SR. ALCALDE-PRESIDENTE DO CONCELLO DE RIBEIRA DE PIQUÍN.





Concello de Ribeira de Piquín

ANEXO III

COMUNICACIÓN DE FINALIZACIÓN DOS TRABALLOS DE SACA DE MADEIRA/MINEIRA

Datos da empresa consesionaria da licenza
Denominación:
N.I.F./C.I.F.:
Enderezo:
Teléfono:
Representante/ Responsable da empresa:
N.I.F. do representante/responsable:

COMUNICA:

Que os traballos obxecto da licenza municipal por actividades extractivas da madeira/canteiras concedida por acordo da Xunta de Goberno Local de data _____, remataron en data _____ de _____ de _____.

Ribeira de Piquín, a _____ de _____ de _____.

Asdo.: _____.

SR. ALCALDE-PRESIDENTE DO CONCELLO DE RIBEIRA DE PIQUÍN.”

Ribeira de Piquín, a 21 de agosto de 2020

Asdo.: D. Roberto Fernández Rico,
Alcalde-presidente.

DOCUMENTO ASINADO ELECTRÓNICAMENTE

